

PROGRAM TRILATERAL AIR PATROL (TAP) OLEH MAWILUD2

airforce.mil.my/berita/acara-rasmi/4097-program-trilateral-air-patrol-tap-oleh-mawilud2

TAWAU, 7 Nov 18 – Markas Wilayah Udara 2 (MAWILUD 2) telah mengkoordinasikan program Trilateral Air Patrol (TAP) diperingkat taktikal dan operasi bagi tujuan memperkembangkan lagi perancangan dan pelaksanaan misi tersebut.

Misi TAP merupakan kerjasama pertahanan tiga negara iaitu Malaysia, Filipina dan Indonesia bagi memastikan keselamatan perairan dan maritim di Timur Sabah bebas dari sebarang ancaman dan aktiviti yang boleh mengancam kestabilan negara anggota.

Program kali ini termasuk lawatan kerja ke Maritime Command Centre dan Joint Regional Command Centre di Markas Angkatan Tugas Bersama (MATB), Tawau bagi mendapatkan gambaran lebih jelas mengenai pelaksanaan misi TAP.

Mesyuarat Koordinasi TAP kali kedua juga telah diadakan di KD Sri Tawau pada hari tersebut yang dihadiri oleh wakil dari MTU-Bahagian Operasi & Strategi, MAWILUD 2, MCC Tawau, Skuadron Penerbangan, wakil dari ATC dan ADF. Mesyuarat dipengerusikan oleh AKS A5 MAWILUD 2, Lt Kol Azman bin Aris TUDM.

Turut dilaksanakan semasa program tersebut ialah penerbangan kawasan rondaan TAP oleh No 1 Skuadron yang turut membawa wakil Combine Maritime Patrol Team (CMPT) dari negara Filipina. Komander pesawat bagi misi penerbangan TAP pada kali ini adalah Kapt Emy Hazrie bin Norazmy TUDM.



